


# SI STAVA MEGLIO QUANDO SI STAVA PEGGIO

CANZONETTA



POPOLARE

( In Dialetto Romagnolo )

Ognun dirà quest le una burla //  
Ma sentì se e popul l' urla  
A squercia gola contra i sgnior  
Che na ne pen e ne lavor.  
Ai temp d' prima ognun dirà  
Chiera poca libertà,  
Che e governe di papel  
Se scurviva un liberel  
Ul mandeva in alleluja  
A marci tna gatabuja.  
Ma de rest la genta basa  
Las mantneva un po più grasa;  
La giorneda de puvrett  
La e sempre ste un papett,  
Sebben che poc landeva e gren  
Che cla volta un sold d' pen  
E basteva d' fe clazion  
Quasi, quasi am do person.  
Per un baioc e tri quattren  
A bivivie un buchel d' vin,  
Invec ades iamenca poc  
Can pesa e pen quant e bajoc//  
Un litre d' vin o dolce o brusch  
Se fis l' uva anch' mi busch  
I vo mez french e pu a scomett  
Che tent volt a ne nienc scett.  
Donca a dmand com al da fe  
Un povre Om a pse campè  
Che de lavor ui ne anche mench  
Ei vo de ancora che french?  
A ne assà d' ampl al budel  
E dop d' quest ui vol più quel?  
Ma quel ca bso gn d' na chesa affitt  
Se va ste anche tun soffitt  
Oppur tun fond come i tupun  
I ni vo dies napoleon?  
E in temp d' prima un appartament  
D' albergh, mun reggiment  
Un bel po chiavesa vlyud  
Ans pagheva cinq sei scud!  
Senza dil par fe la rima  
Quist i sta pegg ca ne prima.  
I letered i più istruid  
Quii de guerne chià e partid  
A sti temp lor is la god

101  
(13)  
E lai va sempre a sù mod.  
Ma è progres la libertà  
Fem savè un po quel clai fa  
Ma chi braccient e ma ch' artist  
Chià una fema chel sa Crist.  
Se e commerc ià liberè  
Da pse vend è pse comprè  
Che vantag nal un puvrin  
Ca na ne firma e ne quattrin)  
Se e telegraf e vapor  
E camina a tutt li or  
Che util dal mi nost pais,  
L' inrichisc e mi burghis,  
Ma de rest tutt i vturen,  
I carrattier, quii ch' vend e vin,  
I locandier, quii ch' taca vetta,  
Qui candeva per stafetta  
Le un gran pez chin ciapa quel  
E chi fa rugg al su budel.  
Me popolac in generel  
Appressa d' prima lai va mel  
Oggi giornè chi è ch' va ben  
Chiè protett e ca quattrin  
Le tutt i ricch can niè bso gn d' dil,  
I agreghed mi campanil,  
Impieghed tutt i più gross  
Tutt quant iè che me a ni cnos  
I merchant d' tutt li sort  
Quii ch' va dritt dop chiè andè tort,  
Quii chi soffia in te pancott,  
Quii can dorma la not,  
Quii chi fa faccia d' ogni vent,  
Tutt i i più content,  
Insomma sta filastroca  
Dla pulenta in magna poca  
I magna sempre di capun  
E i dis ben di su padrun.  
Ma qui cha fema chi, na post  
Chiè custrett a muri arrost  
Sempre a frigi, senza quattren  
Cosa vliv chi diga ben?  
Com ai da fe di ben di Sgnur  
Ca scomett chi e cor più dur  
Cha ne una mesna da muleu  
Che si ved andè seltren

Un affamed per debolezza  
 I la muccia a tla mundezza //  
 Eppur!... si pensa ben a fond  
 Cosa fai lor a te mond?  
 Si scarozza o chi sta ritt  
 A ne per opra di puritt?  
 Chi è ch' fa fruttè la tera?  
 Chis dispon d' andè alla guera?  
 Chi è cui fabbrica i pallaz?  
 Chi taia i pan, chi cus i straz?  
 Se or e argent e scapa fora  
 Dal minieri, chi lavora?  
 Chi va in mer a ciapè e pesc?  
 Chi alleva el bestie chil fa cresc?  
 Le quii tli men chi porta i cal  
 Miga quii chi va a caval  
 Sun frusten come st' inglis  
 Girandulun per sti pais.  
 Ma dop chi god e chi sta spas  
 Chi magna ben chis manten gras,  
 Emench chi fiss la riflessione;  
 Tutt e gren e formanton  
 Invec da del mi bagaren  
 Chi mandassa i contaden  
 A portel a vend in piazza!...  
 Ma le inutil le una raza  
 Tentà tresta e maledetta  
 Chin ne manda una sacchetta;  
 Piutost i cerca d' vendle tutt  
 Cost da del mun farabutt,  
 E quand ià fatt la su partida  
 Lasa e popul che strida!...  
 I va urland pu chiè mel vist,  
 Che i cittaden i se fat trist,  
 Chi ne scapled e riverid,  
 Chiè dla canaja ti partid,  
 Ma cuv ciapa un accifient  
 Operè mo different  
 E no fe tent e sciaured  
 Sa vli es piu respeted.  
 Qui la fema chi patise  
 Chi sta tli grott compagn dli bise  
 Chi ne nud e ne vistid  
 Av ni fe ches sai santà strid?...  
 Ma se mun pedre i su burdell  
 Si d' manda e pen e can la invell  
 A cridi esia poc dolor  
 Per un povre genitor?...

Sentì un po, sa vli de ment  
 Mun poeta d' poc talent  
 Fe ca siva mench cattiv  
 A mi pover la sei viv //  
 Siccom vuielt cha si padrun,  
 Dla vostra roba e di comun,  
 Dli provinc e de governe  
 San vli andè tutt all' Inferne  
 Guardè un po d' arvi i lavur, Lc  
 Per i fabbre, i muradur,  
 Pi marangon, pi calzolet,  
 Pi bracient pi birozer,  
 Per ioperai d' tutt li sort,  
 San vli veda e popul mort  
 Dala fema e dalla stenta  
 Fe che busca la polenta.  
 Che dirà ben dli vost azion,  
 A vamerà con affezion, X d'  
 An santri più tent lagn  
 A moclè pedre e fiol a piagn,  
 E pu voielt che poc e spess  
 A girè e mond per interess,  
 A navri nessun timor  
 Dandè in gir a tutt li or  
 Che quand iè mod da pse campè  
 Tutt i beda a lavorè  
 Con attenzion mi su mistier  
 E i se ne fotta dli galler.  
 E pu scusem! sa si cristien.  
 Sa savi legg can si gabbien  
 E vangel a la vri vist,  
 Sa vli andè drè mal iorme d' Crist.  
 Per e prosme ui vo pietà,  
 Mi nost fradell che poc i na  
 Bsogna guardè d' no fei mori  
 A sallevè da chep e pi  
 Sa ii do pera d' pantalun  
 Ma chi can nià bsogna dene un Lc  
 Basta ui vo cla fratellenza  
 Per potè empl la penza Li  
 Ench ma quì che dli budel  
 I na sett pasa senza quel. a n'ha  
 Sa farì quel ca dig ei  
 Ste pu cert che sarà mei  
 Ma quest le cert can ste a senti  
 E se e mi scritt al voi compl Lm  
 An so stuff da dei la bota  
 Av salut e bona nota.

GIUSTIGNANO VILLA

( Proprietà Letteraria )

Rimini, 1883 — Tip. Malvolti

*Dialecto misto Riminese e A. Comense  
 incantato in un libro (scritto nel 1883)*